



道光甲午秋鐫

東甌文錄

梧竹山房藏板

陳鏡帆甌栝文錄序

日月星辰天文也山川草木地文也天有文而無義和敬授之命則天道不顯地有文而無豎亥算步之才則地理不著是則天地之文發以人文而人之文禮樂政刑忠孝節義亦必借人以傳世知文以人傳人以文傳而不知人與文之所以並傳則又有傳其文以傳其人之人在也余知鏡帆廣 君久矣憶昔隨宦東甌 先大 秋致館課十中山每手鏡帆之

文以詔示曰

者也此語見

者

也自是心誌不忘今年春鏡勉郵寄所載歐栝文錄見示並索序于余余不敏未冠通籍已三十載宦游皖豫黔楚終歲塵勞不克仰副庭訓殫心淬志以專所學不亦對鏡帆而滋愧乎今閱所錄搜奇攷異發微闡幽合歐栝兩郡之大綜宋元明三代之遠僅得文十五卷補遺一卷殆顧亭林先生所謂少而盛者耶且鏡帆秉鐸所至見義必爲百廢具舉又以其餘

力

前賢垂型後學發其蘊於禮樂政刑徵其行

於忠孝節義其事在文其義在人其志在因人以立文卽文以求人固非徒以文人自命而僅視古人爲文人者也至鏡帆自著梧竹山房存稿計文二十首余亦受而讀之激鬱纏綿瀏灑渾脫意在濟世不自炫耀宜其享大年隆後起爲彼都人士之所瞻仰也夫

道光十八年

歲次戊戌秋日

賜進士出身
兵部郎中郎察院右副都御史江南
河道總督提督軍務見亭麟慶序

道光癸巳春新城 少守伯陳公碩士奉

命督學兩浙四月間按試栝郡適 遇春 攝訓樺山晉謁

之餘呈所輯東甌文存皆鄉先生之能文而不遇者

公閱之喜甚迨試睦州卽寄示弁言並示乾隆季間睦

州有鮑學博選青溪先正詩集序命 春 推其意而爲之

爲發微闡幽之舉夫甌栝居浙東僻壤累代以來遭兵

燹水火之災其文之設佚也久矣甌之文獻始於唐而

盛於宋元明栝之文獻始於宋而盛於元明 是著作

雖多湮沒不少無如上下數百年間 自殘編人或不

首也此能見美

收拾以致稀而又稀矣。公懋舉厥括先正下詢卽以
採訪是命。春追念先世止齋先生與王梅溪葉水心諸
先生尙有全集他如龔深父季元衡周恭叔薛士龍諸
先生據拾羣書畧加搜剔或一人一篇或一人四五篇
已同吉光片羽至鄭景望錢熙載賈如規諸先生竟
無所見可慨已然必求其全而彙集非旦夕可期卽前
明諸名宿亦屬寥寥奚怪宋元之遠而難稽也。春迺得
若干篇合諸龔季周薛之文共五百餘首分十五册付
諸梨棗後之讀是編者庶知其人知其地并知其出處

也第甌之始於唐而盛於宋元明原不止此數人卽括
之始於宋而盛於元明亦不止此數人且兩郡志乘所
載之文集皆其人既往而書與之俱往更僕不能悉數
焉是以公垂念殷殷不獨制藝發明聖賢義蘊樂與
諸生講解而古文亦所以載道尤望羣相磨礪彙集成
書使後生小子皆循循以古人爲法度則士習文風從
此蒸蒸日上也。春才學疏淺不過就一己之聞見仰
擬唱之盛懷若廣搜遠引無抱遺珠之嘆也。敏焉
敬以俟博學君子

道光甲午十月朔陳遇春書於梧竹山房

東園宋文目錄

卷之一

王景山

初名開祖永嘉人少敏悟過目成誦登皇祐
第不調而歸名試賢良方正獨能發明經蘊
開伊洛未作之先學者咸稱儒志先生

儒志編

墓誌編

屯田郎中劉公墓銘

周行巳

字恭叔永嘉人從伊洛二程子遊登元祐第
為太學博士求便養親授本州教授宣和初
除秘書省正著文集三卷

代賀元主表

包端睦忠孝傳

跋薛唐卿秦璽記

記涉址
集作卷
新板

劉元長

祭劉取新文

祭劉起居文

陶隱居丹室記

浮沚記

送劉絜矩歸寧序

許景衡

字少伊瑞安人元祐進士官殿中侍御史高宗稱其執政忠直過事敢言黃潛善等以其異已罷為資政殿大學士諡忠簡

諫幸寺劄子

奏事劄子

乞委任宗澤劄子

論罷童貫宣撫河東

宣義郎劉公墓銘

劉起居墓銘

祭劉起居文

新建縣學記

萬

字仁甫起明經科樂清人

與郡守石牧之書

萬橋記

蔡景達

字口口瑞安人

上趙州判書

劉安上

字元禮永嘉人登紹聖第徽宗稱其有大臣體官右諫議給事文安縣開國男有詩集制誥雜文三十卷

祭兄元承文

陳經邦

字貴新平陽人大觀三年仕終迪功郎有程門問答二程全書及源等書

會文閣記

卷之二

婁寅亮

字陟明永嘉人政和二年進士上虞丞高宗至越擢為監察御史

請立太祖後為太子

蕭振

字德啟平陽人政和八年進士官成都府加秩四等敷文閣學士著文集二十卷

諫焚香天竺

蔣元中

元中永嘉人力學多聞見道超卓校書郎湛公之子

經不可使易知

宋之才

字廷佐瑞安人登政和第授京兆府以母憂去職紹興甲子勅使金賀生辰金主嘆服高

宗撫其背曰真宋之才也
麻官五十年卒諡文簡

沙塘陡門記

林季仲

字懿成永嘉人登宣和第趙鼎薦為臺官遷吏部郎著竹軒集十五卷

樂清縣學記

張闡

字大猷永嘉人宣和進士官秘書省郎孝宗選官僚謂莊重老成無踰闡者金人求和力陳大害除顯謨閣學士加賜金犀帶特許佩魚卒贈端明殿學士諡忠簡

入奏荆襄屯田疏

條闕政劄子

劉軫

字德輿平陽人布衣

誠子

劉

鎮

字可叔樂清人登紹興第
寬如神遷武義丞築溪塘
民立祠
祀之
共府司法察
百丈改長溪縣

袁氏世範序

王十朋

字龜齡樂清人紹興丁丑廷對第一官至龍
圖閣學士晦翁稱之曰正大光明君子人也
著有尚書春秋論語
解梅溪集卒諡忠文

上殿劄子

輪對劄子

用兵事宜

論史浩

論史正志

夔州到任謝表

泉州到任謝表

除太子詹事謝表

禘祫論

待士說

孝感并記

鑑湖說上下

游天衣詩序

綠畫軒記

溫守袁孚正言啟

本季可松窓百說跋

襄菴銘

重建白巖院記

劉全之墓銘

木待問

字應之永嘉人隆興癸未廷對第一官至太
子詹事煥章閣待制禮部尚書卒諡少師

建羅漢殿疏

卷之三

薛季宣

字士龍永嘉人大理寺正知湖州常州卒諡文憲著詩性情說書古文訓春秋經解要旨大學說論語小學通鑑約說漢兵制九州圖志山海經伊洛遺禮良齋懷語

春秋指要自序

反古詩說自序

論語直解自序

論語少學自序

書古文訓自序

許及之

字□□永嘉人隆興癸未進士官樞密院參知政事

儒志先生像贊

陳傅良

字君舉瑞安人乾道壬辰第集英殿修撰進寶謨閣待制卒諡文節著詩解詰周禮說春秋傳左氏章旨讀書譜建隆編止齋文集

賀壽皇聖帝表

上禧祖太祖廟議

直前劄子

入直劄子

上光宗封事

入奏光宗封事

內引劄子

論史官

奏繳朱元晦宮觀狀

進周禮說序

兵論

兵制

溫州府學田記

重修縣學記

義役約規序

跋徐薦伯詩集

橫槩醉稿序

跋壽昌院古帖公據

夏休井田譜序

祭王詹事文

祭張南軒文

新歸墓表

卷之四

壬辰廷對

陳

謙

字益之永嘉人乾道進士寶謨閣待制荆西湖北宣諭副使著易庵文集周禮說春秋解

永寧編

儒志先生學業傳

義役行

薛叔似

字象先永嘉人登乾道壬辰第端明殿學士諡文節有文稿二十卷

論聽言疏

蔡幼學

字行之瑞安人登乾道壬辰第兵部尚書兼太子詹事續司馬光公卿百官年表麻大事記備忘辨疑編年政要列傳舉要凡百餘篇諡文懿

上光宗封事

寶謨閣待制陳公行狀

王

綽

字誠叟永嘉人葉適畏友也薦充編校不就著有春秋傳記及雜文

先賢祠記

雲海觀記

葉

適

字正則永嘉人淳熙進士第二授太常博士薦陳傅良等三十人于丞相後時稱得人進寶謨閣待制兼江淮制置使諡文定贈光祿大夫著習學記言荀楊問荅外臺水心集

爲朱元晦辨誣疏

經總制錢疏

議治勢疏

學校

東坡先生文集

田賦

戶口

錢幣

市糶

辭免華文閣待制狀

辭免寶謨閣狀

提舉武夷山冲佑觀張公行狀

紀年備遺序

平陽會書序

睦山堂銘

溫州州學會拜記

永嘉社稷記

平陽代納坊場錢記

卷之五

歸愚集序

送戴許蔡仍王汝序

播芳集序

覆瓿集序

宗記百篇序

陰陽精義序

溫州府學記

三賢祠記

社稷壇記

寶婺觀記

紹興置二莊記

陳同甫王道甫墓銘

檢詳王公墓銘

直閣郎王公墓銘

東嘉開河記

錢敬子墓銘

祭鄭景望龍圖文

題二劉文集後

劉天益

字君益平陽人以布衣起賢良方正科性至孝朱黼讀其思母篇有淚下不能禁云

東坡先生文集

目錄

宋

理寺
卿

奏止預借賦稅疏

朱元昇 字日華永嘉人黼子嘉定武進士葉官不仕入雁山著三易備遺十卷

三易備遺自序

劉居安 字□□平陽人端平進士知通州

修平陽學記

薛據 字叔容平陽人淳祐間臺省文薦賜出身嘗為天保采薇末議二卷輯孔子集語二十篇

宅揆成鑑二十二卷採諸子百家稗官緯紀之書敕付秘書省

孔子集語序

卷之六

林千之 字能一平陽人開慶己未進士樞密院編修知信州著有雲根癡庵集

壽安橋記 三易備遺序

陳宜中 字與權永嘉人景定二年進士第二德祐初知樞密院事拜左丞相德祐歸元遂之占城

暹羅乞師竟死于暹

劾賈似道劄子

劉敞 字聲伯樂清人登景定第忤大全送南安軍安置其母曰為臣死忠被貶分也至南安盡

取濂洛精切語成十卷及大全敗名為端明殿學士宜中擁二王入海揮涕就道至羅浮

憤卒舉家蹈海贈亞樞諡忠肅

諫游幸疏

請慎內批疏

雲門福地記

五倫說

率諸生上書

林景熙

字德陽平陽人由太學釋褐遷禮部架閣轉從政郎元兵發宋諸陵棄骸草莽熙托採藥以草囊拾之又聞理宗顛骨投江購漁者求之葬于越山之北種冬青樹識之

平陽縣治記

公溥堂記

州內河記

虛心堂記

青山記

善吾精舍記

陶山修竹書院記

忠烈廟記

跋二薛先生文集後

王修竹詩序

季漢正義序

小慙集序

蜃說

內舍蘧君墓銘

趙崇暉

字清人明經

白鶴寺記

戴仔

字人起孝廉科

天說辨

非國語辨

林一龍

字景雲永嘉人登咸淳第累秘書郎兼說書工古文有石室文集

大若巖記

章 慰字平陽人任校書郎

劾韓侂胄疏

薛凝之字季常平陽人

族箴自序

黃仲炎字若晦永嘉人進書補官科

春秋通說自序

胡子實字雲谷永嘉人

鄭伯熊書說序

東甌先正文來目錄

卷之七

鄭 僖字宗魯平陽人秦定丙子進士

書白石樵唱註

陳 高字子止平陽人至正進士以方氏起辭不受祿自號不繫舟漁者

重增學田記

林 溫字伯恭至正甲午進士授秦王府教授著有栗齋集

題宋文憲公像贊

史伯璿字文璣平陽人嗜學強記博通經史人勸之仕則口讀書本以善身為仕而學豈吾志也

遂隱居
終身

上河埭議

管窺外編自序

續修管窺大意序

月星不受日光辨

薛氏會芳集序

晝夜長短考

劉賡

字拜颺永嘉人
官行省臺諫

郡校公遺事

李孝光

字季和樂清人以秘書監著作召見于宣文閣進考經圖說陞秘書丞有文集二十卷雁山十記

樂清學記

雁山觀石梁記

游靈峯洞記

暮入靈巖記

靈巖二奇記

大龍湫記

游惠上人開西谷記

雁名山記

秋游雁蕩記

原田歌序

宿能仁寺東菴記畧

朱仕立

字起潛
平陽人

三易備遺跋

俞德鄰

字佩韋永嘉人
元統癸酉進士

佩韋齋輯聞自序

章祖程

字宜竹
平陽人

註白石樵唱

東甌先正文目録

卷之八

卓

敬 字惟恭瑞安人洪武戊辰廷對第二官戶部侍郎卒贈太子太保諡忠貞著詩文五十卷

徙封疏

葉繼道墓誌銘

黃

淮 字宗豫永嘉人洪武丁丑進士武英殿大學士掌內制進少保卒諡文簡著有介菴集歸

田稿

永嘉縣學記畧

武康縣義倉記

六相堂集序

御製恩賜詩贊

鄭夏字逢時樂清人永樂進士
監察御史有迪齋詩文集

盛貞義女傳

周旋字中規永嘉人正統廷對第一擢
修撰歷左庶子尋卒著有畏菴集

請迎駕疏
論郭林宗何如人

送楊司訓序
送王廷賢先生致仕序

送龔揮使還茂山衛序

章綸字大經樂清人正統四年進士禮部右侍郎
卒贈尚書諡恭毅著有奏議進思錄困志集

修德弭災十四事錄一惇孝義

參前箴

出門箴

章元應字順德成化乙未進士南京禮工二部
給事中累官廣東布政使著有曼亭稿

重爵賞疏

乞寢太監錢能還朝恩命疏

石佛洞序

王瓚字思獻永嘉人宏治廷對第二授翰林院編
修時車駕數巡幸儲位久虛疏請育宗室一
人持節封玉山王賜品服以母

憂歸尋卒贈禮部尚書諡文定

言延鑾罷犒軍疏

邑令黃芳去思碑記
章恭毅祠記

卷之九

朱

諫 字君佐樂清人弘治進士吉安郡守著宋史辨疑蕩南集學庸圖說

雲松巢集後序

雁山志自序

重修蒲岐千戶所教場記

重建孝善坊記

陳

璋 字宗獻樂清人宏治進士授刑部主事陞侍郎即乞致仕

諫南巡疏

蔡

芳 字茂之宏治舉于鄉授光祿署正福建運副著春秋訓議

遊南雁宕山記

教諭張先生去思碑

葉式

字成規永嘉人正德經魁翰林院編修廣東按察使著有瑞峯集

新建泰順城垣記

墨池記

侯廷訓

字孟學樂清人正德進士漳南兵備僉事以疑獄與御史爭被劾罷歸著有六禮纂要筆稿

明典禮疏

項喬

字遷之永嘉人嘉靖榜眼麻湖廣福建藩縣著有甌東文錄政錄

論吏治

論涵養之學

上張羅峯相公書

徐廷傑

字邦彥永嘉人嘉靖進士山東按察使僉事

許祠亭記

張

純 字伯貞嘉靖鄉薦南康知府著有存愚惠問錄紀遇東鄉等集

蘇孝子傳

侯一元

字舜舉嘉靖進士江西北布政著詩文二十卷

贈問詹泰公入觀序

贈別張鄧西守大名序

送翁丹山參議貴陽序

雲南武舉鄉試錄序

正情感序

趙烈士傳

上郡守洪覺山救荒書

為郡人請草巨蠹以安地方書

雁山供億議

卷之十

重修磐石城記

張公祠記

二賢祠記

松亭處士小傳

東厓王先生小傳

太僕甌江張先生墓表

雷岡張先生墓表

東晁春陵

祭徐東山文

王叔果

字育德永嘉人嘉靖進士廣東按察使著有半山藏稿永嘉志

仙巖記

孤嶼記

王叔呆 字陽德叔果弟壬戌進士福建參政著有玉介園稿

仙巖止齋祠記

張鳴鸞 字仲儀嘉靖鄉薦授宜陽教諭已卯湖廣禮聘典試拔袁宏道弁冕三楚著有東越筆記

性理節要序

劉康祉 字以吉永嘉人萬曆進士廣東右布政著文集二十卷

覆邵康節錄後疏 仙巖觀梅雨潭瀑布記

再遊仙巖觀梅雨潭瀑布記

李光春 字元甫樂清人萬曆進士任廣信府推官晉協理院左僉都御史彈擊不避權貴遂罷歸

劾逆瑞魏忠賢疏

張天麟 字季昭永嘉人壬子經元壬戌傳臚廣東學政巡撫雲南與四明施邦曜海昌吳麟徵有浙中三君子之稱

著松臺詩集行世

劾岷藩疏

林增志 字任先瑞安人崇正會魁翰林院編修詹事府春坊兼侍講學士甲申國變披緇入山號

法幢老人

修省實政疏

周應期 字克昌永嘉人萬曆二甲第一授禮部郎中晉右副都御史致仕後杜門不出學者稱為

清節先生

諫遣監臣疏

畏菴集序

李維樾 字蔭昌瑞安人崇正進士禮戶科給事

淮撫萬難更動疏

卷之十一

何白 字无咎永嘉人海內有盛名歸隱梅巖山中有汲古堂集行世

釋問 玉餞峯志序

梅雨巖記 能仁寺記

東洞記 大龍湫記

靈巖記 靈峯洞記

石梁洞記 石門潭記

李後峯先生傳 與王伯度書

陳堯言 字汝則永嘉人萬歷進士授行人陝西參議著有焚餘草

條奏切務疏 請靖難諸臣諡典疏

王瑞梅 字聖木永嘉人天啟進士湖廣兵備僉事

請恤民慎官疏 上戴治院書

方之正 字仲行瑞安人天啟鄉薦性至孝博通經史尤長于易著大易辨疑集

讀否泰卦有述

王志章 字昭憲永嘉人明經從化令

重修從化縣志序 謝龍潭文

梅

頤字口口永嘉人
明經夔州通判

養正蒙求自序

楊毓奇

字口口
瑞安人

春秋傳衡弁言三則

黃養正

字蒙以瑞安
人太常少卿

送義民李信夫還瑞安序

史君實

字二酉樂清人庠生年六十猶具慶侍養必躬親盛暑必冠襪以進為學一宗考亭因以
其子

格物辨

東甌先正賦選目錄

卷之十二

王十朋

歸去來賦

會稽風俗賦

民事堂賦

蓬萊閣賦

至樂齊賦

雙瀑賦

梅溪題名賦

薛季宣

雁蕩山賦

林景熙

賓月堂賦

高

明字則誠瑞安人至政進士福建行省都事著有柔克剛集

大成樂賦

章

喜字春谷平陽人爲永嘉教諭大德元年海澄浙東僉憲完顏貞都司鮮于樞按勘交薦喜于朝授國史院編修

風潮賦

周旋

聚奎堂賦

麒麟賦

梅花賦

王贊

江行賦

侯一元

媚山四壽賦

讀鴿賦

鄭思恭

字允之平陽人

東昆仰止錄賦

呂仲璞

字元暉平陽人以國學授光祿丞辭歸闕園自適著有碧澄閣集北遊草格言諸書

碧澄閣賦

王光蘊 字季宣永嘉人衡府長史著有太玉洞齋稿

孤嶼賦
江心塔燈賦

王至言 字昭文光蘊子副貢以纂修玉牒授太常典簿

雁蕩山賦

梅應期 字□□人

雁蕩賦

東甌先正文錄卷一

永嘉陳遇春鏡帆編輯

同里金璋瑤圃參

男六經善甫校

宋王景山

儒志編

復者性之宅也无妄者誠之原也大畜者道之歸也頤者德之施也故君子復足以知性无妄足以立誠大畜

足以有容頤足以育物知其復則能知性知性則能立誠立其誠則能畜德畜其德則能發育萬物而與天地

配矣中庸之言推乎人性贊天地而育萬物其原於此乎

誠者成也所以成人也人而不誠禽獸奚擇焉君子處則其身安出則其道尊無他不欺而已矣形容不欺芻木幽晦不欺鬼神言而不欺童昏動而不欺愚惰欲其欺朝廷君臣之間難矣哉夫誠者微也誠於心人莫之見也接於物亦莫之見也由人服而物化之然後見焉及其至也充乎天地之大此其著可知也矣

人莫不知懼而未嘗能懼有人焉中夜息於幽室之中

吾心之清明者還矣孝弟忠信生乎此時思其一日之不善者惕然而懼是其心豈異于人哉東方且明衣冠而出視聽之官與物雜往雖驅之陷穿水火之中而不知避焉其中夜幽室之心已蔽於物矣舜與周公坐以待旦急吾行而不忘也當其已旦之時其心與若人豈如天地之相絕哉能勿喪耳彼惛惛者伊不忘中夜之心吾烏知其非君子歟詩曰在彼無惡在此無斃庶幾夙夜以永終譽

或曰君子無往而不樂樂必有道乎曰治心曰治心奚

東國先正文錄 卷一 二
本曰毋縱毋拘毋從物毋追往富貴我自有也敢問何
謂毋縱毋拘曰人之心良心也縱則不存拘則不息今
有馬日行千里是良馬也一旦作而乘之不施銜轡而
欲至于千里雖終日馳騁不出百里之內焉以東西南
北失其所從之道也一旦捨我鞭策加我嚼勒引而約
之終日蹣躅雖善千里而不能千里矣是縱者失其制
也拘者失其動也制者非人之所謂制也使之由其道
也動者非人之所謂動也使之適乎用也何謂毋從物
曰吾明內融如鑑然物過乎外吾非從也至于吾前則

見見則明明則舍舍則勿逐耳無若楚大夫然楚大夫
侈于人能左手畫圓爲規右手斲方爲矩目視象數而
口誦訓謨舉楚國以爲莫及也及議楚國之政曾不逮
乎市人中國之爲士者笑之豈不用心于小而蔽于大
者乎何謂毋追往曰失則還之復則安之長其義無害
其氣拂其僞無亂其志赫然見于往來吁以息又奚益
哉速息吾心而已矣何謂富貴我自白曰公卿之爵萬
鍾之祿于我外也仁義忠信于我內也有諸內而受諸
外曰分有諸內不獲諸外于我何損哉是民之不幸也

三畝之宅六尺之軀萬鍾皆備于我也不曰富貴皆我自
有乎孔子曰無入而不自得焉蓋所從樂也我之所
自樂者良樂也威刑不能移慶賀不能益耳無聞目無
見其大也與天地同和豈曰小豫哉詩曰百爾君子不
知德行不愆不求何用不臧或曰治心之道旣聞命矣
敢問君子有言養氣若何曰氣勿役勿枉勿問勿知善
養心者善養氣也心動則氣窒心外慮則氣昏耗矣莫
不原乎心焉何謂役何謂枉曰齊人有爲士師者獄久
不決一旦吏以復告則奮然怒且罵攘臂振首作而大
呼將極諸暴而後已法者達乎天下者也獄者彼罪而
上致之何與我哉畏刑而無實天下之通情也而怒動
乎氣是枉也指乎東則東馳焉指乎西則西馳焉可以
無視而視焉可以無聽而聽焉是役也勿問勿知何謂
也曰知者于我治不知者于我勿治也今隣人鷄啄吾
粟旣驅去之又從而詈之甚者擊殺其雞絕其鄰是亦
愚而已矣君子平其心順其氣與天地四時同其動靜
雖天下之物雜至焉能干我哉詩曰我心匪石不可轉
也我心匪席不可卷也

雷莫不復于地惡莫不復于善亂莫不復于治復者本也善探其本者善言人之性也善言人之性者知天下之治亂也知天下之治亂者得復之本也

君子之道始于復成于泰極于夬小人之道始于姤成于否極于剝天地之數止于五乾之上則亢坤之上則戰勢之使然事固有極而不反者故君子不可不謹

人皆謂孔子生而不偶世而道不克大用不若得其位可以行其道吾不信也孔子之道見乎六經以至于今爲君臣父子兄弟夫婦者尊卑上下各有分服而修之

者循循如也其用如水火人非水火不生其功無窮又豈止一時得位而謂之道大用哉使孔子用于當時則六經之道固不若今之著矣夫得用者其文簡不得用者其文備使孔子用而爲君堯焉舜焉而已爾爲之臣禹焉稷焉而已爾堯舜之書載行事者二典存焉禹稷之書載夫言者三謨存焉行道之跡傳人口聞人耳凡幾何固知其不廣且備也孔子章章乎六經萬世之人飲食衣服之所以生是豈不得其用也耶微孔子吾其失道左袵矣

或問諸侯無正風而魯有頌何也曰是惡夫僭也非頌也聖人不得已而名之也是聖人之微意也其原伯禽受天子之禮樂乎以諸侯而僭天子吾從而目之卽其志也且四篇之體不免變風之例爾是亦何頌之有乎故其序曰季孫行父請命于周而史克作之是亦不免乎強也且僖之政猶未全其惠而春秋之貶而不能逃其罪抑亦不知其頌何從而興耶夫頌之美者不過文武而已聖人所以列于魯頌者得不亦以其強者哉書終于秦費亦猶是人莫知之也

或曰武王之爲樂而孔子曰未盡善者何也曰善哉問乎斯古人之猶難言也孔子以數十世之仁一朝伐紂變天下之政若自我得之而樂又以武名孔子雖欲善之患後世將曰先王有以武取天下自以爲功者是以未盡善也韶不可幾其亦異乎湯之濩矣

或曰四老避秦于商山義不辱于亂世者也漢作而天下歸之如禮不能屈善從其志矣漢欲易太子則于子而來若不相似然何也曰君子之隱知可止耳心豈忘于世哉嗣子天下之大本一搖則天下亂矣天下之民

方出諸水火而又驅之于塗潦忍坐視而不救乎四老
可謂達乎義非子子者也

或曰有扈氏諸侯也啟天子而征之以天子而征諸侯
宜曰征而孔子序書曰啟與有扈戰于有扈之野若敵
然何也曰戰危事也知有扈之強也不曰征啟天子而
失禮也古者天子六卿卿將一帥諸侯不恭則奉辭以
討之天子未嘗躬行也有扈不恭啟失其制故至大戰
夏德衰矣孔子其憂乎

湯伐桀先伐葛伐韋伐顓桀不悟而後放之文王伐紂

先伐崇伐密伐其也黎紂不悟武王又觀兵于孟津卒
不誦而後伐之夫戒而不戒者自亡而已何有于我哉
戒之吾之志也放之伐之非吾之志也非其志而得天
下者湯武是也逢人之惡利人之位本有得天下者也
天逢人之惡者人亦逢其惡利人之位者人亦利其位
春秋之義有飾詐述惡者聖人從而覆之覆之滋見之
耳齊侯滅紀紀侯未有聞焉患諸侯之謹也蓋伯姬以
文之春秋書曰齊侯葬紀伯姬欺也一室之中不可
孰謂天下可欺乎哉

天不能以禍福告人以善惡告之而已善則以興不善以亡使天下視斯擇焉故曰告也詩曰上天之載無聲無臭儀刑文王萬邦作孚

人有苦烈寒則嗟曰吾廬不足以禦風雨衣不足以膚體吾何貧困至此極矣遇酷暑則無嗟焉曰固也其氣則然非樂暑而戚寒暑則舉天下其之寒則私也爲政者能推此道則天下無怨民矣

或曰夫欲取之必固與之然則與之者取之始也惟聖人能知與爲取乎此非聖人之心也古之

人之于民也必固與之非有以取之也吾所養而不與之其誰與之云耳天下之民戴之如父母仰之如神明彼其所以懷者性也非報我也伯者之民常與而取之惟恐其不至且人怨之所由與也聖人之心其猶是乎書曰德惟善政政在養民亦曰養之而已耳豈曰取之云乎

或曰齊侯攘狄而封衛可謂仁矣齊侯之仁見于詩孔子定詩宜列諸齊而反列諸衛何也曰斯孔子之意而入莫之知也蓋孔子不與齊侯之封也封衛齊侯也詩

列諸衛以見齊侯之仁在衛而不在周也苟列諸齊則齊侯之行正矣

或曰商之有頌何也曰聖人存一意而有三益矣何謂三益曰大商祖之德一也與紂之不憾二也明武王周公之志三也曷謂大商祖之德曰頌是也曷謂與紂之不憾曰憫廢也曷謂明武王周公之志曰存商也

聖人之治天下天時莫重焉生民之本也時之授于天下之大務也故廢時者受上刑古者時令莫若豳詩之備也文武之上世世享天澤者先是具也故有司歌

之以貢于上上之人潤澤以布乎天下天下有不足于衣食者吾不信也周公雖往其法存焉無所禦而不爲書焉用哉詩曰雖無老成人尙有典刑

孝莫大於格親之非父母有過子之諫也三不聽則思慕退省不敢怨非成已也成親之善也罪莫大於成親之惡世之爲人子者親之有過不敢諫又從而逢之曰我安親之心故不欲拂其所爲今之所謂孝行古之所謂逆德也

元首股肱一體相須而成若尊卑之禮名位之迹所謂

東國文獻錄 卷一
分也非上下之心也古之所謂君臣者或相歌頌或相稱德御下者不敢有其尊奉上者不獲懼其威道交而心接朝廷之間至和樂也法家者起于亂世其御下也桎而後已堂陛之間一筵而千里也君居上而不交于下臣在下而復懼其上故其心無感而通焉易曰天地不交否

或曰今之所謂繫辭果非聖人之書乎曰其源出于子而後相傳于易師其來也遠其傳也久其間失墜而增加者不能無也故有聖人之言焉有非聖人之言焉

其曰易之興也其于中古乎作易者其有憂患乎當文王與紂之事商之末世也盛德邪若此者雖欲曰非聖人之言可乎其曰河出崑洛出書聖人則之幽贊神明而生蓍若此者雖欲曰聖人之言可乎凡學不通者惑此者也知此然後知易矣

或問詩曰天命予鳥降而生商其然乎曰是不然也蓋契之生日乙鳥至爾所謂履帝武者履高辛之跡而行事爾果曰其然不幾于怪乎

聖人之言何平其曰成山園谷出曹鹽人傾之幽贊
王與孫之專商之末世隸之盜齋齊出昔鞫燈日非
其曰是之興也其于申言平其是香其亦憂惠乎當

宋故朝散大夫尙書屯田郎中知温州軍兼管內
勸農事上柱國賜緋魚袋借紫劉公墓志銘

王景山

公諱起字子震本彭城人也其先有遷于許者五代祖
南徙家于金陵曾祖叡祖徽仕李氏皆兵職父用爲諸
司使開寶中李氏以國歸太宗詔復舊職已而以疾致
仕卒塋于毘陵以公累贈至工部郎母鄭氏贈滎陽太
君公生三歲喪其母爲兒時能自異趨向不類常童子
端然有老成人志旣壯游學于許學學自樹立所學皆

有本原咸平中登進士高第授大理評事知越州上虞縣居三載以勞擢知端州居無何宜州賊陳進亂能揣知賊動止築城設械以備賊不敢迫明年賊平赴闕從眞宗封泰山還以恩通判泉州居歲餘閩人多田訟巧詐紛錯前後卒無可奈何轉運使命公決之公盡能見其欺僞披發開露無豪芥不平者遠近以爲公能三歲改太常博士知台州秩滿監京師物務一年用勞遷屯田員外知韶州復授知漳州所至以治稱由漳州上殿疏利害事曰漳民利煮海冒法者前後踵相繼朝脫室

梏夕入囹圄彼無業者舍是則餓死矣終不能以刑止宜輕其法開下民生路天下克惡下死一等者多流竄臣所治期年或至千餘人役使苦甚不幸一人奮起呼噪其餘乘勢以應患豈細哉是可擇爲禁卒下者隸諸郡此謂先事臣過汴傳舍遠者幾百里舟行多半道宿無人處劫奪寇害者接迹宜兩堤夾置巡檢以無患往來凡三事上悉從之至今爲便云遷都官職方員外郎是時上欲用公爲三司判官公以疾辭謂所親曰吾得一郡東南足以福千里誰能終日閱文書論議管推天

下貨財邪改屯田郎中授温州下車專務以寬治時孔子廟皆佛寺前後爲郡者不肯一顧公往視之已鑿池樹剎立二浮圖矣公使按之乃爲寺僧所侵公曰是可忍哉立遣撤去復故地作講堂構九經閣環以廊廡至今學者得所居後雖有增飾實公之始基也未期得疾天聖六年六月甲申終於府署享年六十娶起居舍人鉉之女姚氏封吳興縣君公昆弟三人餘不仕男子五人長曰之才以廕今爲處州錄事參軍次之間後公卒次之奇之道舉進士次之純後公卒女二人長吾母也

次嫁廣信軍司理參軍李褒公卒權厝于兩門之浮屠以貧故用至和元年五月十九日葬于永嘉建牙鄉丁么村之北二子從舅氏求銘于其甥王開祖銘曰守于是藏于是歿者從于是生者家于是繫公德仁以福孫子

戴子嵩墓志銘

宋 王景山

有戴孝子士先再拜泣曰士先幸而獲事先生得以聞道不幸至於大故士先嘗聞諸先生曰居喪者人子之所自盡自盡則能當大事謹狀其先人之行以來願先生賜之銘則士先也庶幾爲人子無悔王子曰生之行可謂合乎禮矣行合乎禮者爲君子人樂之曰君子之子也已爲善送終以禮非獨成已成其親爲君子也君子宜有銘君諱惟嶽字子嵩曾祖曰奎大父曰皓父曰季君少喪父能自起以業其家事母謹甚人以孝稱厚

東坡先生文集 卷一
重恭順好禮人也有謀畫治家節儉不憚勞晚年益富
足時推其餘以賙親族之貧者常積廩粟凶年價奮踴
則能損其直以出之所在之人獲以濟者非一二喜救
人于患難務盡力力不足則已予昔葬母夫人與君相
往來得吉宅于人圃中百端不可求君爲親也聞之力
名諭焉然後乃克葬推此則餘信然也皇祐五年七月
朔日寢疾終於家享年六十有一以至和元年九月十
有二日塋于建牙鄉雄溪之原始娶夫人沈氏先君十
七年而卒生男子三人長士安次士良幼士先女子二
人皆嫁矣繼娶夫人徐氏今治君塋銘曰身也力之家
也積之世藉于義我則植之孰有孰無有子以光謂予
不信視此銘章

代賀元圭表

宋 周行己

帝德升聞天心克享肆申休命誕錫元圭躬受路朝禮
備一人之慶恩覃寰宇歡同萬國之心矧在承宣尤深
忭蹈伏以禹功不伐堯德無名洪水旣平庶土咸正歌
及九功之叙弼於五服之成四海會同萬世永賴嘉乃
不績維汝之贄告茲成功時帝之克歸美報上代天錫
圭十有二山爲州之鎮尺有二寸法天之時上有雲雷
蓋示聖人之澤下無琢飾又知天子之全色應天元駟
爲禹物數非周制益辯堯時歷季千百而無聞遇君三

五而後出恭惟皇帝陛下行帝之德則天之明協和萬
邦而人文化成光被四表而休嘉洊至粵有瑞文之應
而昭鎮室之祥景命自天元功惟帝羣臣三請彌彰克
遼之誠優詔屢頒俯聽僉命之議乃協迎長之日大申
展采之儀端冕當陽握符御極膺乾篤祐煥大珪以維
新卜世延洪符九鼎而永固臣幸逢聖旦逖竦鴻猷匏
繫周南莫預軒墀之琴舞葵傾魏闕但瞻雲日之高明

包端睦忠孝傳

周行已

夫忠孝難矣哉性靈天植能盡其道斯存順而歿寧也
故絕裾赴名者不得爲忠袖手時艱者不得爲孝厥維
艱哉若予內嫻端睦包公殆無忝於忠孝者矣公諱汝
諧與弟汝嘉皆業儒遵履繩墨更饒大畧事親至孝雖
菽水必盡歡自幼及長孺慕之情不少衰鄉里咸稱包
孝子云宣和庚子冬方臘起睦州連陷杭歙婺諸郡明
年春至遂昌吾州民望風奔遁郡守倅皆倉皇莫知計
所出州學教授劉士英與館下生石礪獨謀措置禦賊

東國全史卷之五十一
白守倅糾集義士王三錫丁仲修輩二十有八人公預焉是時賊勢熾甚僉謂城不可保民有乘舟浮海者有負妻子匿山谷者公激于義白諸父老曰某聞戰陳無勇非孝也臨敵避難非忠也某與若曹雖無官守然所食皆君食也可值時變而甘不義乎父老曰爾能爲草莽忠臣吾屬死無恨矣公乃身先士卒惟士英之令是從雖喪元有弗顧焉三月二日報賊臨處州已及白沙衆皆驚阻公從士英白守倅戎服督視以振士氣由是戈戟森列城上人心甫定至四月七日賊犯白沙士英

謀分兵截上戍嶺以公率衆住逮夜州牒公等兵並捍城西鄉鼓行至行春橋賊已逾嶺矣焚劫踴舉距城甚邇公與義勇王琬等不俟整陣徑犯賊鋒連斬數十級士英領兵還燒綠野橋使賊不得渡十五日賊犯思遠樓公等奮擊賊退去先後從士英禦敵不下數十戰竟死於難鄉之人無小大靡不咨嗟隕涕焉事平當路叙勲以公當立專祠乃賜忠孝匾樹厥宅里以示激勸予旣傳其事復系以贊云嗟乎爰茲綱常天經地義暗者弗通柔者自棄民彝弗湮聖道未墜卓然包公美厥性

東國文獻通考 卷九
靈不率自勇不察自明義以輔主仁以報親沉爲河嶽
升爲星辰肅肅廟食耿耿精英

陶隱居丹室記

周行已

崇寧三年夏六月維揚呂君少逸來蒞是邑以其餘暇
歷覽山川得陶隱居先生丹室於陶山佛寺先生本史
故不載嘗至此方賈嵩采登真訣作別傳云梁天監中
自海道至永嘉得木榴巖居之以作丹室永嘉境中無
所謂木榴巖者而室之下有仙壇丹井雖歲久相傳不
可考驗然陶山之爲陶山舊矣豈山以人著今名遂傳
昔名遂没乎按諸家傳皆云先生長七尺二寸神儀明
秀膚色皙澤今其像繪趙清獻公得閣下本傳置室中

豈其然乎先生當齊梁搶攘之間脫身軒冕世傳仙去
滋味非所好也鄉民祝而尸之方且舞倡優而薦葷羶
于是少逸不以爲宜乃下令歲時祠享易以蒲栗之供
敢如故者以淫祀論行已邑民而仕于鄉校者也屬叙
其說以著于後欲先生之實不誣而奉祀之禮得宜也
旣又繫之以祝辭使祝世守之且以不忘乎其故也詞
曰杳無極兮道之精倏無跡兮仙之靈洞神想兮神乃
凝眸子方兮壽萬齡骨月融兮歟上昇游八極兮登太
清駕雲車兮弭雲旌熠明月兮望儀形翩徜徉兮竚中

屏葷羶兮徹腐腥奠椒漿兮肴木英薦青精兮達芬
馨聊徘徊兮感故情來勿兆兮去莫程天寥寥兮地冥
冥

浮沚記

周行己

余浮雲其仕泛然出油然歸有名無位凡民如也有鄉
無居逆旅如也儻室淨光山之下古西射堂之遺址藁
然小洲綠以沟水予視吾生若漚起滅不常視吾身若
萍去留無止以吾無止之身而處暫寓之室聚沫也塵
垢也蟬蛻也芻狗也於吾何有哉政和歲在元黓執徐
六月颶風大作橋斷門隳簷折雨漫乃易橋以舟堦北
戶而南嚮增簷爲軒寄容足之苟安按爾雅水中可居
曰洲其小者曰沚人所爲曰瀆予惡瀆之名而欣沚之

義于是總其名曰浮沚。浮沚之西舊爲小閣名曰漚閣。浮沚之東新爲小軒名曰萍軒。其北舊爲門道所從出。闢而爲室名曰浮室。室者窒也。窒吾心之陰幽不善也。其南假道于隣引舟而渡到彼岸焉。名曰筏。渡渡者度。一切陽明之善也。是吾居也。因水而爲洲。因洲而爲室。因室而爲名。因名而爲義。義皆浮義也。寄焉宜也。聊爾而已耳。故吾不獨浮其仕。又且浮其居。不獨浮其居。又且浮其生。然則有之而何得無之。而何失吾聞古之有道也。貧而樂窮。而通豈謂是歟。非曰能之。願學焉。記以

跋薛唐卿秦壘文

周行己

李斯篆世傳爲第一。學者莫不愛之。吾每見其書。幾至疾唾。而却走者。何哉。謂夫人善成其君之過也。夫秦之君其資亦未若桀紂之惡之盛也。而二三臣釀其君于不善。則又有甚焉者。斯乎。是嘗去詩書以愚百姓者乎。是嘗聽趙高以立胡亥者乎。是嘗教其君嚴督責而賞恣睢者乎。使其壘不得傳者。斯人也。而其刻畫吾曷觀之哉。顧唐卿猶區區珍藏之者。豈不欲傳百世以爲監歟。吁。是何以監也。

白警

外不

温河

温河

温河

送劉絜矩歸寧序

周行己

余有友者十四人舉于禮部者十人禮部第其可進以
名上于天子者孫鯁段萬傾歐陽獻崔鷗王覲五人者
其材力自可以致功名取富貴一科目不足爲道不幸
而黜于禮部者五人余弔之者一人則李豸方叔是也
賀之者一人吾子是也方叔學旣成文旣工而齒壯家
貧無父母兄弟可以爲樂纍然爲人贅汲汲覓一官以
畜妻子以顯父母以行其志而不可得者如此哉吾當
以爲人必有所艱難勞苦而後知道安貧賤而後享富

貴如天使吾子于此既得之則其進未可知也既未得之且能不爲淺人者戚戚怨有司非抱負其業而歸以益進其所未至者則其進豈易量哉故予之知者如此也余游京師今六年百無一得且受于天者有不可移之愚不能伺候時俗可否獨能知古人爲慕汲汲于前修之言惟日不足謂不得于此必有以聞者以是齟齬不能與世俗合至于瞽者聆其聲音而嘗笑之聾者見其狀貌而通悅之顧自守甚固終不爲是易操此吾子親見之者也顧余心之所樂者爲何如哉去年秋從試

于有司既進不獲固獨喜之謂天其必有大畀于我者則益進吾道以迎受之古之大有爲者未嘗不如是則吾何遽戚戚耶此余之志也今又將進于子矣吾子以爲何如哉吾子傾乎其形修溫乎其辭順才楚楚而志卓卓吾知其不爲塵埃中人也要當修其大者遠者則必渾渾浩浩無愧于古人而後可也則失之于彼安知其不得之于此耶故有以弔方叔者弔子而子信之則其進不敢知也以余之所以自喜者爲吾子賀則余之心也所以望于吾子以爲何如哉鄉之人有以弔子者

亦必以是謝之曰盍爲周子賀也

祭劉起居文

周行己

人莫不學鮮能知道孟死無傳顏亡絕好篤生程公萬
世師表乃繼斯文以興墜教四方朋來隨其所造致知
格物默通元授一理達元萬殊同妙施國爲忠施家爲
孝公來自南聞言知要擔簦于維周旋探討達中之庸
入德之奧立身愛君無愧屋漏進退可觀從政何有凡
我邦人望公則厚駒隙方馳茵朝奪壽年伍不登才業
弗究哀我人斯善人是悼逝川莫回殞身奚救矧我同
人又親且舊憤憤不樂朝夕在疚百感裝懷寸心如攪

哀以告公公來寧否

祭劉公取新

周行已

緬歲月之逾邁蹇吾生之多忤慨百年之共盡忽四時
之代序紛群感之增懷鮮一歡之獲遇何懿親而暱友
倏朝亡而夕故若夫子之堂堂矧年齡之未暮惟生稟
之正直宜神聽之佑助曾有政之弗施而天喪之奚遽
匪弱親私實懷友輔我善曷告我過曷補悵艱途之念
深弭情話之誰晤悲一飮而三輟痛達旦而九寤尋髣
髴于平生倘徬徨而靡據嗙婆耄以彌哀撫孤遺而逾
慕疇先進于已往閱逝川而競注托末契于後來與今

東國先生文集 卷一
吾而昇趨已矣乎惟達人之大觀通死生于一度洎暨
聚之隨化炯真常而末固吾知子之未嘗亡子與吾亦
未嘗去杳無臭以無聲泊何思而何慮

宋劉君元長墓銘

周行己

荆溪劉氏爲永嘉望族居山川之勝有竹木畜產之饒
世稱長者子弟好學謹立能幹治有節法至中書舍人
安上起居郎安節相繼爲禁從門閥益大遂甲于鄉里
而君于起居爲再世父中書爲再從叔父君爲人深沉
有智度謀定甯中而機不發于外舉止燕笑從容可觀
若素居養于高位者樂善喜士頗涉書記能論詩人得
失少孤事母兄孝謹有欲異籍者輒賦鴻雁詩以動之
資財多寡終弗較也鄉鄰歲飢穀踴貴君每平其直以

出之一鄉價不得高貧者賴以生俗窶不能塋者必火而棄諸江君每勸止因營地數十畝資其塋以是鄉人愛德之至其歿也莫不咨嗟嗚呼人之行義爲善何必有位哉君諱孺字元長大觀四年正月甲子歿于家政和二年十二月甲子塋于其居章奧山曾祖文隆祖

父恂皆不仕男五人安序安雅安宅安術安國皆業儒安雅安國早亡安序安宅舉太學女五人長適何悌次徐中行次林廷直次周于己次戴迅皆應進士舉而周于己爲承事郎前通判興國軍事諸孫男女十人諱譚

艾也銘曰一夫行義一鄉有賴施于有政則利彌大何莫于此而或以害然者弗愧弗然者戒

諫

劄

宋許景衡

竊惟陛下巡幸恭迎太祖太宗神主載之前舟有司嚴奉如在太廟而陛下未敢陞舟燒香者誠以非時瀆神恐失禮也今來道出淮泗方謁神主枉駕佛寺臣恐天下議者以陛下緣致敬于僧伽歎神靈于宗廟不獨誠意有所未專卽于禮文亦未爲得也若以爲行幸祈福耶則天子之行風伯清塵雨師灑道天地神明所共呵護豈若商旅細民每過淮泗便邀神塔廟耶况祖宗巡幸並無臨佛祠歎浮屠故事惟章聖皇帝東封道過睢

東國文獻通考 卷一百一十一
陽見張巡許遠廟爲之歎賞表其忠義以爲臣下之勸而已于此見帝王一頌一笑豈無謂而發哉臣愚欲望聖明一意奉先之孝謹守祖宗之制毋惑浮議而爲有識者所非也臣不勝拳拳所有臨幸普照寺塔下燒香指揮伏乞特賜寢罷

奏事劄子

許景衡

臣自蒙誤恩備位執政閱日滋久了無建明不獨智慮淺短言詞澀訥亦以陛下方圖東幸纖悉措置上關宸慮竊謂與其狂易之黷寧負不敏之罪今日駐蹕淮甸上下安寧此正講明治道興滯補廢時也故不揆迂愚輒以見聞昧死上獻庶幾有補聖政之萬一臣觀方今人才未備而政事不立法度未修而宿弊尙存浮費不節而國用空虛賦役煩重而民力困弊命令不行而事多壅滯賞罰未明而人無懲勸賊盜繼起而吏治被害

邊境危急而武備勿嚴奸賊未逐而貪暴滋多公議未伸而親黨害政凡此十事之利病實繫國家之安危安危所在變故難測以陛下之神武英斷必能成中興之業以陛下之敬誠孝友必能迎二聖之歸其事雖日多端其要不過十者而已唯是十者之利講之不可不熟十者之害去之不可不速講之熟則是非明白去之速則立見治效欲望睿旨下三省樞密院公共討論修復祖宗之成憲稽察士夫之公議下從民欲上取聖裁于以致中國之安榮于以釋異域之憂鬱在陛下果斷力

行之而已

乞委任宗澤劄子

許景衡

竊聞議者多指開封尹宗澤過失事未知是否如何
言之爲人及其爲政固不能上逃聖鑒第未知果指何
事而言也若只緣拘留金國使人此誠澤之失然原其
本心只緣忠義所激出于輕發未盡識國家事體耳又
未知別有何等罪犯也臣自浙度淮以至行在得之來
自京師者皆言澤之爲尹威名政術卓然過人誅鋤強
梗撫循善良都城帖然莫敢犯者又方修守禦之備屢
屢可觀臣雖不識其人竊用歎慕以爲去冬京城之內

東國先王文錄 卷一
不能固守良由大臣無謀尹正非才之故使當時有如
澤等數輩赤心許國相與維持則其禍變亦未至如此
其酷也今只較其末度小疵便以爲罪不顧其靖忠報
國之大節臣雖至愚竊以爲過矣况澤昔在河朔遭遇
陛下遮留拱衛繼參幕府宣力爲多今尹天府其積效
又章章如此則其所爲終始亦可考矣而議者獨不能
少優容之其亦不恕矣乎且開封宗廟社稷之所在擇
人居守尤非他州別路之比今若罷逐澤則當別選留
守不識今之縉紳其威名政績亦有加于澤者乎卽有

其人則除授交割尙費日月兵民亦未信服防秋是時
計將奈何如未有其人則澤未宜遽然更易也伏望聖
慈上爲宗廟社稷下爲京師億萬生靈特賜主張厚加
委任使成禦敵治民之功天下幸甚

論罷童貫宣撫河東

許景衡

臣聞天下之事言之未然則若狂率而無根言之已然則又緩後而無及矣近者中外喧傳皆言朝廷將起童貫宣撫河東若果無此議則是傳者之妄而臣有採聽不審之罪若果有此議則臣願言之于未然也謹按貫頃在陝西專務誑誕以爲事功夤緣軍需攘竊邊計重以賄賂至千萬億奏功第賞皆由請囑胥吏厮僕皆位侯伯狎昵士卒隳壞軍政此皆陛下所洞知者也前日燕山之役不能上遵宸畫漫無紀律洊至敗衄徘徊境

東國文獻通考卷一百一十一
上師老氣索遂使遠裔小醜妄爲己功邀求無厭傷威
倍費貫之誤國豈不灼然臣昨論列劉延慶不當量移
事親奉德音以爲皆由宣撫司號令不一以至白溝之
敗爲其引年謝事故議者不復及之今若起自廢閒重
領兵柄誕謾含墨有甚於前日也且貫旣無功于河朔
尙能有爲于河東乎方其壯時罪惡固已貫盈今老且
病矣尙能草心自新乎古者國有大議謀及卿士謀及
庶人今陛下命將興師以靖疆場此政事之大者亦嘗
謀之衆人乎士民駭惑論議紛然夫豈妄意以爲不可

哉誠見其已試而無效也臣累被聖訓彈擊官邪毋憚
大吏然則今之官邪亦有甚于貫者乎今之爲吏亦有
大于貫者乎故敢昧死獻先甲之言庶幾不貽朝廷後
日之悔也伏望睿斷亟罷所以命貫者別謀良帥以濟
萬全之舉實天下之幸

新建縣學記

許景衡

崇寧元年詔郡邑皆立學置師弟子員錫以餼廩校其
行藝升貢之有司奔走從事瑞爲溫之支邑廟孔子於
縣治之東而迫隘不足以容多士會聞詔亟徙於南江
之濱山川風氣散漫不收潮濤泛濫牆宇圯壞神人靡
寧邑人願復故址政和五年春具告郡守劉公從之邑
令蔡景初爲之規畫而丞張宇發實領教事乃斥舊址
廣袤三倍凡爲重門兩廡殿以嚴像設堂以肄講習廡
爲齋以處學者累屋爲閣以儲經史落成之日稚耆和

會瞻仰稱歎邑之來學者日益衆丞善教道士旣知勸
乃相與伐石請書其事予以爲天子立學養士所以明
人倫善風俗而爲有司者能推而行之可謂也已乃爲
詩以詒邑人其詩曰在溫之陽表裏山河盤礴逶迤有
邑有阿祥禽嘉禾實肇厥名厯唐五季人物無稱祖宗
聲教被於四海以迄於今理若有待明明天子生知達
孝曰予繼志端在學校奔走詔令以後爲羞孰與民作
弗慎爾謀度地鳩材於江之滙嚙于崩濤士氣弗振郡
邑惟賢丕從衆志亦有爾丞旣心乃事器非求舊維不

善故吾以汝遷庶幾復古嘉而多土而父而兄協力并
謀不日而成殖殖其庭渠渠其屋像設其中冠冕佩服
修幣碩牲於粢豆籩庸告爾成祀享亦虔學者四來十
百其輩絃誦洋洋飲食教誨維爾學者興于草萊天子
樂育督其成才亦維有司敬承德意爰居爰處擴此宏
麗咨爾學者學古之道維古善教有倫有要曰行曰藝
庸迪厥功天子作人其止是崇其學維何致知格物反
身而誠物我爲一匪曰我私推之斯行親親長長而天
下平秦漢以來治功蔑然學校弗修斯道不傳明明天

子千載有作稽古聖謨以覺後覺咨爾學者欽哉無斃
惟道是力以成皇極以報天子之休德

祭起居劉元承先生文

許景衡

公游大學我亦諸生我蒙名還公在朝廷傲舍國南門
巷相望把酒道舊其喜洋洋嗟我昏蒙惟公之畏公不
我鄙委曲教誨廣大精微我駭且疑公指其要莫先致
知用舍行藏我亦公告公日有命豈不自好公別汲澠
歲月如馳公往不還而以喪歸大車移途發軔千里伊
誰柅之而止于此公之道學我實銘之匪告于今于後
之貽公塋荆川千夫臨穴而我何爲薄祿羈縻絮酒寓
辭以寫契素瞻彼大江日夜東注

宜義郎劉公墓志銘

許景衡

公劉氏諱焱字公輔永嘉人祖廷貴考塋攝郡長史雅
喜儒既進諸子于學且老矣謂公曰能任吾家事俾昆
弟一于學乎曰惟大人命公警穎有志度方營其家規
撫偉然日奔走于艱難無厭怠色久之凡所以爲生之
具辦而區處條理粲然可觀嘗嘆世俗族衆則异居异
居則恩意日薄顧弟姪孫子繁衍乃益廣室廬殖田疇
爲持久計而涵容愛撫上下輯睦四十年間如一日人
皆以爲難而公處之裕如也家荆溪上公因之闢館衰

書延師儒趣諸子族人皆從學曰是吾先人之志也既而其子故起居郎安節兄子今給事中安上皆以文行知名太學相繼擢上舍第麻官御史聯職禁省門闕是大而公之母徐氏尙無恙給事之爲御史也以八寶恩封邑仁壽其後起居亦以元年冬祀恩再封公宣義郎於是仁壽年九十餘見五世諸孫晨昏定省老稚欣然而爵命榮耀爲時慶門東南不多見也公孝謹重去親側起居被召赴闕力請而西其後自饒移守宣城而給事出守東陽公明其私念故亦一往焉皆不越月而歸

名潛相望于里安輿往來其間人皆以爲榮而公歎然唯離親之爲憂也宣城以治行聞而救災勤民連疾不起公得訃哀思致疾病草曰吾其不得終養吾母耶泣涕嗚咽聞者傷之年六十八卒于政和六年七月戊戌而以宣和元年二月丙午葬于永嘉仙桂鄉余輿山之原孺人薛氏承奉郎諱京之女事姑友夫邦人稱之公之爲家以迄有成薛助爲多生男四長起居也次安上次安禮次安義皆業儒而安義爲叔氏後二女嫁同郡何敏中吳皓孫男二曰謹曰誠將仕郎女孫四尙幼公

東國文獻卷一
平居不廢儀矩家人視效之遇物慈愛尤篤于姻舊隣
有道死浙西者寓書屬撫其孤公顧恤之甚厚比成人
且資其季從學曰若父所以屬余者良在是勉之其與
人篤信任義如此塋有日其孤相與謀曰昔我起居兄
之塋已問銘于許氏矣今銘吾父墓宜無他屬也乃以
書來請余惟長史樂善爲鄉長者而公又不憚勤勞合
族而居周人急難著信閭里蓋其所積者厚矣其有後
也宜哉起居兄弟皆爲世用施于有政惠利不貲其所
以爲劉氏慶者殆未艾也宜有史筆著其終始以示來

未嘗爲進取謀議者惜之改宣德郎受代來歸當天子
勵精庶政之日孜孜賢雋求之如弗及宰相聞公名召
對言春官宜慎擇官屬雖左右趨奔者必唯其人又論
節儉及君子小人和同之異上稱善以其練悉卽日擢
爲監察御史攝殿中御史士論翕然謁告省親于鄉亦
旣陞辭矣而殿中命下故不供職而歸俄除起居郎有
旨赴闕公迎宣義而西居無何宣義思歸公欲乞外補
宣義固止之以爲朝廷厚恩宜安職修報效且吾志安
于閭里事親者務養其志可也公遂不敢言明季遷太

東國文獻卷之五十一
常少卿而言者斥公在言責時無所建明且久不寧親責守饒州州薦饑公至大發廩賑之又檄旁郡毋遏糴軍儲不足它日皆強取諸民公曰歲荒如此重困之可乎它司宜有相通者政應調適其緩急耳市人數爲在官者擾至晝日閉關或逃散郊外公躬率以廉察屬化之州久闕守獄訟積留綱紀隳壞吏媮而民病公爲究其本末先後疏剔滯礙俾就條理未幾飢者以充乏者以濟逃者以復凡爲民弊害者悉除去于是與之治賦出裁制貢奉之須俾屬縣先期戒民無倉卒之擾民悅

起居劉公墓志銘

許景衡

有宋承議郎權發遣宣州軍州管勾學事兼管內勸農公事借紫金魚袋劉公卒于州之正寢其弟安上安禮護其柩歸卜以卒之二年正月甲子葬于永嘉仙桂鄉外彎山郡人戴迅狀其州里世次道學厥官行事之實而安上問銘于橫塘許景衡曰墓有銘非古也旣常羹鼎著人功善以示不忘今不復用則賢人君子可傳于後世者殆將泯然矣無已則銘乎恭維劉氏系出彭城其家于溫也久矣大父諱瑩積善有陰施識者知其後

必大父諱毅以上恩封宣義郎公諱安節字元承資稟不凡方兒時已有遠度比長嗜學有所未達思之夜以繼日必至于得而後已少與從父弟今徽猷閣待制安上相友愛皆以文行爲士友所稱旣冠聯薦于鄉同游太學秀出諸生間號二劉一時賢士大夫皆慕與之交而宗工名儒見其人聞其爲人皆嘆服元符三季擢進士第調越州諸暨主簿國子祭酒率其屬表留公太學不報除萊州州學教授未行改江東提舉學事司管勾文字久三河時學校者皆進顯于朝廷獨公奔走小官

者使知爲善之報如此是銘也亦所以資其采擇云
曰劉氏世德粵惟祖考恂恂州里犯而弗校陰施博允雖益必彰何以占之惟後之昌公其仲子御訓嗣事裕我弟昆集勞于已孰不菑播或不時獲我克有秋穰穰滿屋垂白在堂列侍縉紳繩繩于指雍雍一門曷夷而隆或約丁凡此有家其不自公維忠維勤維孝維弟維我後人善繼無怠

和樂愛戴之如父母雨暘有禱輒應人以爲公精誠可
格也冬祀貢縑有期會而民未能輸公語其屬曰民困
甚雖嚴督之亦未必辦吾其以罪去乎豪民數十聞之
曰可使我公得罪耶相與代輸之其得人心如此治聲
聞京師移知宣州去饒之日民遮道泣留且曰吾州自
范文正公後惟吾劉公而已至宣十日水大至公分遣
其屬具舟振溺晝夜不休活數千人遠近流民闢佛廟
以處之發廩以賑之一無失所後御史疏江浙不賑濟
以聞詔切責獨宣不與焉政和六年春大疫公命醫分

東國文獻卷一
治得不死者無計夏五月甲子卒享年四十有九吏哭于庭民哭于巷遠近莫不嘆息娶何氏同郡人愿之女初封崇德縣君公貳太常改封宜人宜人仁孝有稱先公得疾且瘳矣會公病革哭不成聲二日亦卒生男子一而天一女尙幼以安上子緘爲後部使表公治績特命緘將仕郎公天資近道而敏于問學其所趨尙非世俗所謂學者嘗從當世賢而有道者游始以致知格物發其材沉涵熟復存心養性久之于是有得其貌温然望之知其有容遇人無貴賤小大一以誠雖忤己者未

嘗見其怒色恚辭也其在河東同僚有交惡者一日邂逅公座聞其緒餘不覺自失相與如初其恬靜弗校宜若易與者至于有所立則挺然不可回奪曾不知禍福利害可以爲避就也鄒公浩以右正言得罪公與其所厚追路勞勉之時朝廷震怒痛治送行者追連甚急人皆惴懼公獨泰然旣而哲宗察其無他詔釋之公亦自若也事親善承順教養諸弟涵容周旋族居踰百口上下愛信無間言常曰堯舜之道孝弟而已聞人善如已出或歸以過則未嘗辨遇事不擇劇易人所厭苦者任

之裕然無迫遽勤瘁之色宣州賑濟公疏以爲非敢專也蓋有所受之故朝廷錄部者之功而進秩焉蓋其志非敢私佚其身而在于爲人其所施置常在于公天下以爲不如是則非所謂合內外通彼我也所至二州專以仁義教化平易近民民有訟委曲訓戒之俾毋再犯間有鬪者將愬于官咸曰羞見公面以是庭無可治之事或踰旬不施鞭朴爰爲銘曰溫溫劉子其美璞斯文有傳與敦琢始乎致知斯物格沉潛擴充卒自得衆人

言其方公純樸洞然無礙油然樂

復郡守石牧之書

宋 萬 規

守令之勢可以畜常民不可以待士子古之爲士者義或不可雖刀鋸鼎鑊而莫之屈况鞭楚之威可以恐致乎使以常民見畜也書半幅之牒走一介之吏呼之如疾風受命之日其往也如驚鵲烏乎役而不可豈有屢命之瀆而攫閣下之慮乎竊商此論非出於隆厚之所欲道抑有左右爲之發焉使左右發之而閣下誤聽是引閣下于非道而率士子于僥倖之福使愚雖獲造門下其可補歟

上趙州判書

宋 蔡景達

竊聞興利除害爲政之大綱事有關於利害者利固在所當興害亦不可不禁也安陽爲邦負山濱海困于盜賊于今五年矣然而城隍不立民無固志未聞有興版築之利以安之者閣下憫生民之塗炭毅然以保障斯民爲己任肇建大議四境翕從不踰月有巍立之勢而公無聲色之勞民之趨事惟恐或後直以閣下秉至公之心以佚道使民志在乎民而非爲身計也此其所以利吾邦者亦甚厚矣然百雉繼作爲役未艾殆恐蠢蠢

東園先生集 卷一
之徒運土輦石往往各跬步之勞遂至發人塚墓是則
深可悲耳今之進言者曰興大利者不計小害奚必屑
屑較量此乃老生之談阿世之語深誤人聽聞者也苟
欲利之適乃害之閣下慎勿納焉夫宅兆之設蓋欲保
其親于無窮孝子順孫報本之實惟在于此今縱其暴
露而不加禁不惟死者受陳肆之辱且僿生者抱終天
之痛仁人用心必不若是愒也矧其土石處處有之取
之無禁用之不竭奚必藉此以爲用者借使承役之家
有先世墳塋于此固將不憚其勞運石于遠而不忍自

毀其墳以就城也必矣夫築城以安其子孫而隳其祖
父之所依歸是猶欲芟其枝葉而拔其根本厥傷亦大
矣今而禁止在閣下一施令耳初不係于城之輕重亦
何惜而不爲也幽明雖殊而安之初無二致使生者有
奠枕之安死者亦有磐石之安仁人之恩豈不溥哉興
利而禁害有不可偏廢者故敢布之執事惟高明鑒之

欲遠于家務庶免家人之所譏議閣告成嘗試以會文
名之而又鑿沼于其前開圃于其側環山屏列乎左右
帶水縈繞乎東西日與諸友登臨于此以讀書綴文爲
事休則凭欄寓目暢氣舒懷一觴一詠自有餘樂且爲
諸友而言之曰而所謂會文者其取胸中邪其取諸人
耶其亦耳剽目竊于簡冊中邪言未旣有笑于列者曰
君何欺余哉人與已一理也胸中簡冊非二物也融物
我剖籓籬人已何所擇得魚兔忘筌蹄胸中簡冊何所
拘文固文矣混而同之合而一之茲其所以爲會文也

歟猶之眼色合爲見色雖去而視自存耳聲合爲聞聲雖希而聽自明是非所以累是故所以相生也于是欣然援筆記之

會文閣記

宋 陳經邦

凡物交錯而文生風行水上爲波之文丹青相雜爲色之文仰而觀之日月星辰天之文也俯而察之山川草木地之文也晦明隱耀高下天喬其皆交錯以成之者乎惟人亦然入而父子兄弟夫婦出而君臣朋友長幼視其日用動靜語默間歡然以相愛者雖無意于爲文而其文豈非交錯而然乎而獨問學講貫之勤以見其爲文故孔圍之所以爲文自夫敏而好學不恥下問得之而吾曾子亦云以文會友以友輔仁蓋嘗思之人之

情莫密乎朋友莫樂乎切磋琢磨之益其開心見誠握手商論而真心實意軒豁呈露是以時習朋來之說樂載于魯論之首而麗澤兌君子以朋友講習著于大易之書蓋其文生于交際之餘而古之聖賢尤所愛重焉者但非錦繡綦組之工丹青繪畫之色吹彈敲擊之樂所能喻也邦自髻鬣讀書晚而不倦雖識見不及于前時而嗜好有甚于初心孜孜矻矻廢食忘寢殆若狂然家人僮僕皆以癡目之不自知其爲癖也又如是而益甚而家人益之以厭于是謀于家居之前創爲書閣且

祭兄元承先生文

宋 劉安上

惟我與兄總角相從從來出處未嘗不同鼓篋帝京跨嶺涉江留滯蓋盪風雨夜床載念西游擔簦乎洛依歸夫子覃思力學格物致知會萬守約惟兄早達立有所卓視彼衆人允矣先覺不鄙疎庸提誨磨琢

溫州府 函 館